



OÐÐA GIELLASPEALLU LANSEREJUVVO SÅEKIEBOALTES/HEMAVANIS

Golbma koartastohka mat sistsidollet 900 čáppa davvisámedajaldaga sihke dasa gii juo máhttá ja dasa gii ii goassige ovdal lea geahččalan sámástit. Guovtti bargojagi lea gollan, dál viimmat bohtá Språkspelet/Giellaspeallu.

- Mihttu lei ráhkadit spealu mii lea suohtas buohkaide, ja ahte spealadettiin velá oahppá juoidá maid, dadjá Ville Söderbaum gii ovtta Victoria Harneskain leaba ráhkadan spealu.

Vaikko sámegiella lea virggálaš unnitlohkugiella Ruotas de liikka váilot suohtas oahpponeavvut ja rabas giellaarenat gos beassá hárhjehallat ja oahppat giela. Mánge oahpaheaddji ieža ráhkadit oahpponeavvuideaset. **Språkspelet**-teama dál presentere iežas ođđa stoahkanvuogi.

- Jurdda lea ahte galgá beare lohkat mii čuožžu koarttas. Ii dárbbáš beroštit grammatihkas, ii ge ballat ahte šaddá boastut. Jearaldagat ja vástádusat leat gárvásat juo. Go biddjot oktii de šaddet suohtas dialogat, dadjá Victoria Harnesk gii lea leamašan prošeaktajođiheaddji.

Speallu oažžu olbmuid gulahallat. Prošeaktateamas lei áigumuš speadjalastit iešguđet birrasiid ja olbmuid. Olbmot han šoppejit, pimpejit bohccuid ja lávlot koaras!

Speallu almmuhuvvo Ruota Sámiid Riikkasearvvi jahkečoahkkimis, Hemavan högfjällshoteallas, Sãekieboaltes/Hemavanis, Ruotas, disdaga geassemánu 15. beavvi diibmu 15 rájes.

Giellaspealus leat golbma koartastohka mat adnojuvvojit jogo speallun dehege gulahallankoartan. Speallu heive seamma bures lávvordateahkeda rátnáide go mánodatidida klássalatnii. Speallu vuodojuvvo spealloboksan golmmaid koartastohkain ja 80-siiddosaš speallogirjiin, muhto lea maid vejolaš oastit dušše ovta koartastohka. Spealu golbma koartastohka leat grammatihkalaččat sierraláganat. Juohke koartastohka vástádusat stemmejit seamma stohka jearaldagaide. Dajaldagat leat čállon davvisámegillii, muhto vuolábealde čuožžu maid ruotagiell jorgalus. Speallu lea erenoamáš go lea huksejuvvon gárvves dajaldagaid vuođu mat summal doibmet nuppi nubbái. Dat lea iešalddis ođđa konsepta. Stoahkan ja oahppan bohtet giehtalaga.

Victoria Harnesk lea sápmelaš gii ii máhtán iežas giela ja **Ville Söderbaum** ges ruottelaš gii oahpai dan. Speallojurdda riegeáduvui giellakursas gos searvvaiga nubbi oahpaheaddjin ja nubbi oahppin. Searválaga ráhkadeigga

Språkspelet/Giellaspealu.

Victoria Harnesk, + 46 70 223 56 10, victoria@vhjojk.se, www.vhjojk.se,
 Ville Söderbaum, +47 47 29 26 95, villesoderbaum@gmail.com, www.villesoderbaum.com
 Eambo dieđut ja govat www.språkspelet.se

Giellaspeallu lea dorjon Sámedikki kulturrádis.

